

894.631.2

გ. 12



ვრცელნი ვაბესკინი

ქეთევან  
ქეთევან

1 9 4 6

894.631-2

312

ვიქტორ ვაზვასკირია

# ქეთევან ნაგებული

(დრამატული პოემა)

✓  
5  
4

აზარის სახელობის  
ბათუმი, 1946





სამამულოთ თმში გმირულად  
დაღუპული ძმის შალვას.  
ნათელ ხსენას

„...გაგზავნა კაცი და შეუთვალა იმამყულიხანს. ვითარ-  
მედ ქეთევან დედოფალი თუ გათათრდეს, ნურას აწ-  
ყენო და, თუ არ გათათრდეს, აწამე და სასჯელით  
მოჭკალიო“.

„...ქაშინ იმამყულიხან დაუწყო ლაპარაკი ქეთევან დე-  
დოფალს და აუწყო ყენის შემოთვლილი და უთხრა  
გათათრდიო. ხოლო ქეთევან არა უხმინა. მაშინ შეი-  
ბყრეს“.

„...განხურვებული შამგურები გავდეს მუცელსა და  
ძუძუ-მკერდ-შიგან, განხურვებული ქუაბი დაარქუეს  
თავსა ზედან... და ყუეს შრავალი სატანჯველი...“

„...და რომელსა მიწასა ზედან აწამეს, ადგილსა მას არ-  
ლარა მოვა მწვანე და ჩანს ადგილი იგი ესრეთ, ვითარ-  
მედ უნახველნი სცნობენ აქა ქმნილა რამეო.“

მ ე მ ა ტ ი ა ნ ე.



## ქეთევან წამებული \*)

### მოკამეღნი პირნი:

#### ქეთევან დედოფალი

დავითი — სახლთუხუცესი კახეთის მეფისა.

ისკანდერ-ბეგი — სარდალი ირანელთა ჯარისა.

ბეჟანი — ყოფილი სახლთუხუცესი კახეთის მეფისა.

იათამზე — სახლთუხუცესის დავითის ძმისწული, ობლათ აღზრდილი.

შალვა — კარისკაცი, მხედარი, გლეხ-კაცი, ბავშვობიდანვე იათამზესთან ერთად აღზრდილი.

ღვთისავარ }  
მანარა } გლეხები.

იმამყულიხან — ბეგლარ-ბეგი შირაზისა  
მოლა

ჯავაირა — ხასა ისკანდერ ბეგისა.

შევქეთ — ირანელი მომღერალი, აშული.

#### ექვთიმე

ელიოზ }  
დიანოს } ბერები, დავით გარესჯის მეუღაბნოენი.

#### თევდორე

ირანელი მხედრები. ქართველი ტყვეები ირანში, ბერები და სხვა...

\*) ქეთევან დედოფალი, ასული აშოთან მუხრან-ბატონისა, ცოლი დავით მეფისა და დედა კახეთის მეფის თეიმურაზისა, საჯაროთ აწამეს 1624 წ. 13 სექტემბერს.

## პირველი მოქმედება

(ირანის ელჩის ისკანდერ-ბეგის ოთახი კახეთის მეფეთა სასახლეში. საღამოვდება).

### ისკანდერ-ბეგი

მაღე გალაფანს ღამის ჩრდილი დაეფინება.

სძინავს სასახლეს, სძინაუთ, ალბათ თვით მხედართმთავრებს.

ირგვლივ მდუმარე ხეთა ჯარი და ღამე მეფობს.

კაეშნიანი, ფერმიხდილი ამოდის მთვარე.

სულს რა მიშფოთებს, ან რა დარდი მიხშობს გონებას მე, მრავალ ბრძოლის, მრავალ სპათა ყიყინის მოწმეს?

ობლათ შეთენილი თავი ჩემი მე რად მგონია მაშინაც, როცა ცხრება ქარი და ცა პირს იწმენდს?

ასეთი სევდა მაშინაც არ დამუფლებია,

როცა ვიცავდი ციხე-კოშკთა ზავსიან ლოდებს.

ნეტავი ზრახვა განშერიდოს მე ამა სოფლის და ან ის ჭოტი, ჭოტი მაინც არ გაჰკიოდეს!

(ჩაფიქრდება)

ვიხილე იგი იქ, სად ჩრდილი ირხევა ხეთა,

როს ბაღში მსხდომნი შევეგებეთ მთვარის ამოსვლას.

მე უცხო სტუმარს, ხეივანში არ გადმომხედა,

სახეს სიმშვიდე და ფარული სევდა ემოსა.

და იმ დღის შემდეგ ნეტარებას მგვრის ბაღში გაველა, მაგრამ ვერ შევხვდი და თან გული შემექნა ავად.

ასულო ჩემო, ნეტარების ფრთით მოვლენილხარ,


თუ დღეთა ჩემთა სიხარულის შესამუსრავად?

თავს რად გვარიდებ, იქნებ ფარულ სევდას ატარებ?

ვიცოდე მაინც, გულს რომელი კაეშნით ბურავ,

რომ განდგომილხარ, შენს ნორჩ გულში ნუთუ, პატარავ,

უკვე ფარულმა მიჯნურობამ დაისადგურა?



ფეხის ხმა ისმის, იქნებ ჩემებრ სხვაც ღამეს ათევს,  
იქნებ კაცია მოგზავნილი? სიფრთხილზე მმართვეს.

(შემოდის ბეჟან. მორჩილად სალამს აძლევს)  
თქვენს მოლოდინში, ვფიცავ ალაქს, წამერთვა ღონე.

**ბეჟან**

და მეც იმიტომ თქვენთან მოსვლა ვერ დავაყოფნე.  
**ისკანდერ-ბეგი**

სანუგეშო რამ იქნებ მამცნო და დამამწვიდო?

**ბეჟან**

თქვენს ერთგულებას ზოგჯერ თურმე შეუშინდები.

**ისკანდერ-ბეგი**

დიდსულოვანთა წესი არის, ერთგულო ჩემო,  
ილაპარაკონ ყოველივე დაუფარავად.

**ბეჟან**

ფრთები დამცვივდა. მწვერვალიდან ვეშვები ძირს...

**ისკანდერ-ბეგი**

ილაპარაკე ყოველივე.

**ბეჟან**

რა ვქნა, რომ მიმძიმს...

**ისკანდერ-ბეგი**

სიმაართლის არ თქმა სულმდაბლობის შესამოსია.

**ბეჟან**

რა ვქნა, უნდა ვთქვა: ამაოა, ელჩო თქვენი ცდა.

**ისკანდერ-ბეგი**

ნუთუ ასული იგი ჩემი ბედის თაღს აცდა,  
აა იქნებ ეს ბედს ჩემთვის სამტროდ მოუგონია?

**ბეჟან**

კადნიერება ეგოდენი მე არ მქონია,  
რომ შეთქვა თქვენთვის ამბავი რამ გამოგონილი.

**ისკანდერ-ბეგი**

თმენა არ არის, — მოჰყევ რა იცი?



**ბეჟან**

როს ბაღში გაველ დაღონებული დავეშვი ტყისკენ.  
მას ტყისპირად მჯდომს. თვალი მოვკარ

და ვიგრძენ მყისვე,

რომ მერგო წილად გამოცნობა—გამოუცნობის.

**ისკანდერ-ბეგი**

სთქვი, ნუ აყოვნებ, გულს იჭვების მეღება ობი.

**ბეჟან**

როს მთავრის შექმა ტყესთან ვერცხლის აასხა ღილი  
გამოჩნდა ვაჟი და ასულის მკრთალი ღიმილი  
ოსე ვიდოდა, ვით ბადრი მთვარე.

**ისკანდერ-ბეგი**

ამბავი ესე, გესლიანი, თუ დაამთავრე?

(ჩაფიქრების შემდეგ)

ვინ არის იგი, ძე რომელ მთავრის ან დიდებულის?  
რომელ ამირბარს სვე-ბედნიერს გაუხარია?  
რად არ მპასუხობ, რად შეიქმენ ჩაფიქრებული?

**ბეჟან**

ვაი, რომ კაცი, ელჩო, იგი გლახთაგანია.

**ისკანდერ-ბეგი**

(შეურაცხყოფილი)

ო, რაც დრო მიდის, უმეცრებას ეძლევი უფრო,  
აქ ეგ არ გავა, გზას ამცდარხარ, შეგცვლია მხარი,  
ერთგულ მფარველთან ბელზებელის ენით საუბრობ  
გამიგორე!

**ბეჟან**

მართალია, მე რაც გითხარით.

**ისკანდერ-ბეგი**

მაშ, შენ ამბობ, რომ კახთ სამეფოს დიდ ამირბარის,  
დავითის ძმისწულს გლახი ვინმე შეჰყვარებია?



**იათამზე**

მითხარ, გჯეროდეს, შენ ამგვარი სიტყვის  
თქმა გმართებს.

**შალვა**

რალაც შიშსა ვგრძნობ, გამოუცნობს, გული მიტყდება,  
მაგრამ მე მაინც ვერ შევბედავ უფალს სამღურავს,  
რადგან პირველად ამ ცისკრისუამს თქვენი სიტყვები  
ვით ნამი ცისა, ჩემს დავრდომილ სულს დაეპყურა.  
სიამე ამა ქვეყნისანი მომრიდებია,  
ჭირი\*, ვარამის, მწუხარების ვიყავ მომთმენი;  
კვლავაც ამასვე შევიძლებ მე, ოღონდ შორიდან  
ნუ მომაკლდება, ნუ მჯერძალვის მე ხილვა თქვენი.

**იათამზე**

მაგრამ თუ ბედმა უცხო მხარეს თან წარმიტანა?

**შალვა**

ბაღში უმზეოდ ეს ხე ყოფნას შეიძლებს განა?

**იათამზე**

მზეს რად მადარებ?

**შალვა**

ალბათ, მასაც გაიგებ ბოლოს,  
სიცოცხლეს ჩემსას ცხოველმყოფელ შუქს შენ ჰფენ  
მხოლოდ.

რატომ ჩაფიქრდი?

**იათამზე**

მომაგონდა ჩემი ბავშვობა:

წყარო, ყვავილნი, ველ-მინდორი, ნიაფი მთისა.  
ო, ღმერთო ჩემო, რად მიგვრძნია იმ დღეთგან შეგება,  
სულმა ის დღენი რად შეირგო, რად შეითვისა!

**შალვა**

შენს სახელს, შენზე ნათქვამს ხშირად ვიმეორებდი  
ტყეში თუ მინდვრად მოკრძალებულ,

**ბეჟან**

ვფიცავ მის სახელს, ვინაც შექმნა ეს ცა და ბარი და რომლის ძალით ვარსკვლავები ცისკრის ჰქრებიან, ჭემმარიტებით სავსე იყო ეს საუბარი.

**ისკანდერ-ბეგი**

ნუ თუ სახელი მისი მე არ გამიგონია?

**ბეჟან**

შალვას ეტყვიან მას სახელად, სანდო კაცს არ ჰგავს, იგრძნობ უმაღლე, რომ მორჩილთა გზას განდგომია, შიში ღვთისა და კაცისადმი მას დაუჯარგავს, კარისკაცია ის უბრალო, მაგრამ აქ ყველა კარგ მებრძოლთ შორის, ვამჩნევ,

სთვლიან მას უკეთესად.

და კონსტანტინე ბატონიშვილს იმი დღეს პირველად თურმე დედოფლის ლაშქარიდან იგი ეკვეთა.

**ისკანდერ-ბეგი**

როს მაგონდება ის დღე, თითქოს სული ეშვება ღამის წყვდიადში და მევსება გული სიმწარით. მახსოვს, ჩვენ ორმა დამარცხებულ

სპარსულ დროშებით

და მცირე ლაშქრით სამშობლოსკენ ძლივს გავასწარით. მაგრამ მწამს, უენი ერთგულება დაგიფასდება, ამ სასახლეში მეგობრები მხოლოდ ორნი ვართ.

**ბეჟან**

თუმც განსაცდელი უღმობელი რომ არ ამცდება, ვგრძნობ, ელჩო, მაგრამ მორჩილების

გზას დავდგომივარ.

**ისკანდერ-ბეგი**

თუ შეასრულე?..

**ბეჟან** (სიტყვას შეაწყვეტინებს)

ყოველივე რაც დამავალეთ

და გასანთლული ფარჩის ბუდით ფირმანი თქვენი,  
თვით შაჰსევანის ფრთა ორბიან ისრის უმაღეს,  
იქნება შაჰთან, მრავალ ახალ ამბების მთქმელი.

**ისკანდერ-ბეგი**

რა გზას ადგია დედოფალი, თუ გესმის რამე?

**ბეჟან**

ვფიქრობ, ბედს მისას რომ გადასწყვეტს,  
ელჩო, ეს ღამე.

შეგნიშნე, კარი დარბაზისა ხშირად იღება,  
სხედან იქ ჩუმად დიდებულნი და თათბირობენ.  
დედოფალი კი ხატის წინა ცრემლად იღვრება.

**ისკანდერ-ბეგი**

რას შეუთვლიან შაჰს და როგორ პასუხს ფიქრობენ?

**ბეჟან**

ასე მგონია, და მეც ასე გავიგე თითქოს,  
რომ დედოფალი შაჰის წინა წარდგომას ფიქრობს.

**ისკანდერ-ბეგი**

ვგრძნობ, სასახლეში საქმეს კარგი პირი ვერ უჩანს.

**ბეჟან**

თუმცა, ჯანდიერი, ჩემს სწორ რჩევას ბევრი ეურჩა,  
მაგრამ ვგრძნობ, მასთან საუბარი თუ შექნა ხშირი,  
დავიყოლიებ და იქნება ჩვენთან კავშირში.

**ისკანდერ-ბეგი**

მუდამ სიფრთხილე, თავდაჭერა გქონდეს გზა-ხიდად.

**ბეჟან**

რომ ეგ არ მახლდეს და მით, ელჩო,

გზას არ ვიკვლევდე,

ჩემი სიცოცხლის აფრას უკვე ქარი დახრიდა  
და ნაფოტივით მძმაგდებდნენ ზვირთები კლდეზე.

**ისკანდერ-ბეგი**

მალე მოგესმის წინწილ-ებანთ ზრიალი, ბეჟან!

ველს, მიტოვებულს, ბრძოლის ქარი შემოეხვევა,  
შენს მტრებს პირისპირ შეხედები და დადგება ქამი  
შენი ნაღველის, შენი მტრობის გადმოსანთხეყად.

**ბეჟან**

ოჰ, გულის ხმა ჰყავ: მითხარ იგი,

სულს რაც მიშფოთებს,

რამაც შემისრნა საწუთრო და სულს რაც მიტყვევებს.

ისევ, როგორც მუხების ქვეშ დაცვნილ ფოთლებს,

ვხედავ დაცვნილს ჩემი გვარის

ბრწყინვალე ღღეებს.

**ისკანდერ-ბეგი**

დამშვიდდი, ბეჟან, მოთმინებას მიაპყარ თვალი,

შენი ამაგი ვუწყით ყველამ, რად იურგები?

როს შევიქნებით გამარჯვების შარბათით მთვრალი,

შენ აქ მბრძანებლის უფლებებით აღიჭურვები.

**ბეჟან**

ვინ იცის, იგი რას გვიქადის წუთისოფელი

და ან ჩვენ მისგან განსაცდელი რა რიგი გველის?

**ისკანდერ-ბეგი** (ზანღუკიდან ამოაქვს ქისა, ოქროს

ფულით სავსე. გაუწვდის)

ყოველ განსაცდელს და ფათერაკს გზას ეს აუქცევს,

კაცუნებს გმირად და გმირებს კი აქცევს მლილებად,

ეს ბედისწერას, კარზე მომდგარს, თვალეში უქცერს

და თვით სიკვდილის წინაშედაც გაეღიმება.

მიიღე, ბეჟან, მეგობარო, ეს საჩუქარი.

ცეცხლში რვალია, ველზე ქარი, ხმალი ვერ გაპკვეთს,

ძალა აქვს ყველგან ცის ქვეშეთში მას ჯადოქრული,

მის ყვითელ ღიმილს შეგიძლია უშიშრად გაპყვე.

**ბეჟან**

(ქისას გამოართმევს. თავდახრილი დგას)

მადლობას გწირავთ.

### ისკანდერ-ბეგი

მე კი ისევ სევდამ შემიპყრო,  
წამერთვა ძალა და დაჭრილის განვიცდი ტკივილს.  
რა გაათენებს, — ნეტავ ახლა დამე არ იყოს!  
ოი, ის ჭოტი, ჭოტი მაინც, ჭოტი ნუ ჰკივის!  
(ჩაფიქრდება)

უკანასკნელად ეს მითხარი, ეს განმიმარტე,  
ნუ თუ არ ძალგის შენ გუნება კაცს შეუცვალო?

### ბეჟან

საიღუმლო და ფარულ საქმის ოსტატად მტრებიც  
ყველგან მე მთვლიან და ვერაფერს შემეცილება.

### ისკანდერ-ბეგი

ამით რა გსურს სთქვა?

### ბეჟან

ერთმა აზრმა მსწრაფლ გამიელვა:  
იქნებ მალამო რამ დავადვა მე თქვენს იარას.  
ახლა დამშვიდდით და ეს დამე როს მიიღევა,  
ციხკრის უამს მოვალ და განზრახულს გაგიზიარებთ.  
(ბეჟანი მიდის)

### ისკანდერ-ბეგი

ხელთ მყავს ობობა გონიერი და, ეგონებ, სანდო.  
ის სასახლის ყველა კუთხეში ქსელს ქსოვს ფარულად.  
ფიქრით მოცული მუნჯ სვეტებთან  
ხშირად დგას მარტო.

თითქოს ჩრდილია სასახლეში შემოპარული.  
გამოცდილია, ფრთხილი მეტად და იცის, თუ რით  
იბრძოლოს იქ, სად ხმალი ვერ სჭრის.

ვერ გასჭრის ენა.

მაგრამ, ო, ხშირად მისი ცქერა მუხანათური  
მომეპარება და გველივით დამიწყებს კბენას.  
ოქროზე უარს ის არ ამბობს, მაგრამ ვამჩნევ, რომ

არის სხვა ძალა, სხვა მიზეზი, გზას რომ უმრუდებს.  
თუ კი ოდესმე ხვდებით წინ შევჩერე,  
გავიგებ, ალბათ, ცბიერ თავადს რაც გულში უღევს.

### მეორე სურათი

(სასახლის აივანი დარბაზში შესასვლელი ფართო  
კარებით. თენდება. კარებთან დგას შალვა)

#### შალვა

ის წუხელ ღამით სხვებთან ერთად ღამის მთევლებში  
იჯდა მოწყენით. ვგრძნობდი, სევდას ეურჩებოდა.  
ვით მინანქარი, ჩარჩენოდა დარდი თვალებში  
და ღვთაებრივი ყველასაგან განირჩეოდა.  
ვკვრეტდი შორიდან სიჩუმეში ოთახს დედოფლის,  
ღამის ნიაფი, მთვარის სხივი თუ ნახულობდა.  
არ ჰგავდა მაშინ ის ქმნილებას ამა სოფლისა,  
როს მოქანცული ვარდის ბაგით წიგნს კითხულობდა.  
ეხლაც წინ მიდგას, სახეს იმასა მე თითქოს ვხედავ.  
გული რად მტკივა, ან ეს შუბლი რადა მაქვს სველი?  
იმედს მაწვდიდა, ვით ბრძოლის დროს

წაქცეულ მხედარს,

მისი ხმა მშვიდი, ციური და ამოთ სასმენი.

შემდეგ კი, ოთახს დედოფლისა როს განერიდნენ,

აქ ჩაიარა, წამით შედგა და მაინც სდუმდა.

გამშორდა უცებ, მე კი მაინც უსიტყვოდ ვიდექ,  
პირველად ვიგრძენ სიცოცხლეში—ტირილი მსურდა.

იქნებ ცუდ რამეს მიაგებოდნენ მისი თვალები?

იქნებ არად მცნობ ოხერ-ტიალს და დამივიწყე?

თუ კი ასეა, მაშინ, ბედო ნუ მემალები,

მოდი, გავსწორდეთ, ხმალდახმალ გიწვევ!

(ხმალს იძრობს. გამოჩნდება ბეჟანი)

**ბეჟან**

ეი, მანდ, ვინ ხარ?

(უახლოვდება, შალვა შეკრთება)

თუ შენ ბოროტ სულს, ეშმაკეულს შებრძოლებიხარ?

**შალვა** (მორცხვად დგას)

მე თვით არ ვიცი.

**ბეჟან**

რად გწყინს, შუბლი რად შეიკარი?

ის, რაც შეგნიშნე, კარგი ყმისა თვისება არის,

ღვთისავარს ვეძებ...

**შალვა**

მალე მოვა...

**ბეჟან**

მაგრამ ის ვიღრე

შეგცვლიდეს შენა, ასე უთხარი: ჩემთან მოვიდეს.

(მიდის. შალვა დიდხანს ჩაფიქრებული დგას)

**შალვა**

მაშინაც, ვგონებ, ეს დღე იყო, ეს კვირაძალი.

მაშინაც იყო ასეთივე დღე გაზაფხულის,

როს ბრუნდებოდა დედოფალი ჯარით, ამალით,

მეც სხვებთან ერთად სიხარულით მიცემდა გული,

გახარებული დედოფლისა კეთილად მოსვლით

ხალხის ზეიმი ველ-მინდორზე აღარ ცხრებოდა.

ისიც აქ იდგა, ამ ადგილას, თეთრად-მოსილი

და სხვებთან ერთად ბედნიერი ილიძებოდა.

როს ამობრძანდა დედოფალი, მის ფართო თვალებს

ამკობდა ცრემლი სიხარულის, ულამაზესი.

მომცეს ნიშანი და დედოფალს წინ გავუშაღე

ღროშა შაჰის და მოღალატე კონსტანტინესი.

როცა მიჩნეულს ადგილს ჩემსას კვლავ დაფუბრუნდი,

შეგნიშნე უცებ, რომ შეეხო მისი ხელი ვარდს,

გამომიწოდა. მოვიხადე მსწრაფლ ნაბდის ქუდი  
და ძლივს წარმოვსთქვი: „მადლობელი ვარ!“

(ჩამოჯდება. თავს დახრის. უახლოვდება იათამზე.  
შენიშნავს, წამოდგება)

თქვენ ასე ადრე ბალში გასვლას არ ხართ ჩვეული.  
**იათამზე**

იქ არ მივდივარ და აქ დგომაც არ ძალმიძს დიდხანს.  
**შალვა**

სევდიანია ღღეს თქვენი ხმა. ცუდს მიგრძნობს გული.  
თუ განგიზრახავთ, რომ თვით თქვენ მე  
ცული რამ მოთხრათ?

**იათამზე**

სასახლეს ღამე და სიჩუმე როს დაეუფლა,  
როცა ჩააქრეს ჩირაღდნები და მიიძინეს,  
მამცნო გამზრდელმა, რომ მეც უნდა  
გავყვე დედოფალს.

**შალვა**

მოთხარი იგი, რაც სიკვდილზე მეტად მაშინებს.

**იათამზე**

ვხედავ, მარიდებთ თვალს და ალბათ, მე გულში  
მძრახავთ.

ალბათ, ფიქრობთ, რომ ჩემი გულიც იქეთ იჩქარის.

**შალვა**

ჩემი წახდენა და სიკვდილი-ვის განუზრახავს?

**იათამზე**

თვით ბიძაჩემის, ღავით სარდლის სურვილი არის.

**შალვა**

მე თქვენს თვალებში მწუხარებას და სევდას ვხედავ,  
მაგრამ, „დარჩი-თქვა“, მე უღონოს ვერ გამიბედავს.





ცრემლით ჩემი  
საფლავის ქვა მონამე!

**ისკანდერ-ბეგი**

რა გრძნობით მღერი. შენ ციურნი ძალნი გწყალობენ.  
შესვი, ძვირფასო, და ბულბულის ხმით იგალობე.

(ღვინით სავსე თასს აწვდის)

რატომ ჩაფიქრდი? ღვინო არც სულს და  
არც ხორც ავნებს;

შესვი, შეირგე... მე ეს შენთვის ჩამოვიტანე!

**შევქეთ**

რჯული გვიკრძალავს...

**ისკანდერ-ბეგი**

მაგრამ იგი ხომ გვიამება,  
ის ხომ ნიბლავდა საადის და ომარ ხაიამს!

**შევქეთ**

ხოტბას ასხამდნენ, და ეტყოდნენ:

„ქვეყნის ვარდი ხარ!“

**ისკანდერ-ბეგი**

მაშ, შენაც შესვი,—შენც ხომ იმათ კვალზე დადიხარ.

**შევქეთ**

იმათი ფეხის მტვერი ვიყო,—მადლობელი ვარ;

მე ერთი ვინმე უსახელო მაგლობელი ვარ.

**ისკანდერ-ბეგი**

ამას ნუ ამბობ, შენი ქება მსმენია ადრე.  
დაგიმეგობრდი, უცხოეთშიც ბევრჯერ ვინატრე.

**შევქეთ**

მადლობელი ვარ. შემოგწირავთ მადლობას ისევ.  
მიკვირს, შახის ტოლს, მე ყარობი, ვით შეგეთვისეთ.

**ისკანდერ-ბეგი**

გჯეროდეს, ჩემი საყვარელი ძმა, სტუმარი ხარ.

მთროთოლვარე ხმითა,

მაშინაც, როცა ბავშვი ვიყავ, დავდევედი ხბორებს,  
შემდეგაც, როცა შევდიოდი ბრძოლაში ხმლითა-  
**იათამზე**

ერთხელ დაჭრილი როს იწეკი, მიწუხდა გული,  
ავად ვიყავი, სარეცლიდან ველარ ვდგებოდი.  
მაგრამ მე მაინც ფერმიხდილი ცრემლმორეული  
უფალს შენს დახსნას, შენს სიკეთეს ვევედრებოდი.  
გამოუცნობმა ფიქრმა, დარდმა ბევრჯერ მაწამეს.  
რად იყო ასე, ჩემთვის ახლაც აუხსნელია.  
შენთვის სიკეთე, მუდამ კარგი მსურდა, მაგრამ ეს  
მხოლოდ ლოცვის დროს უფლისათვის გამიმხელია.

**შალვა** (შემკრთალი)

მე თქვენს თვალეში არასოდეს არ დამინახავს  
ცრემლი. რას ნიშნავს? სთქვი, არ ძალმიძს,  
ვხედავ, მოთმენა.

**იათამზე**

პირველად ვამბობ სიცოცხლეში და ნუ დამძრახავ:  
ვით ფიქრი ჩემნი, ესე ცრემლიც გეკუთვნის თქვენა.

**შალვა**

ბედნიერი ვარ, თუ კი მართლა ეს ცრემლი შენი  
ჩემდამი თუნდაც თანაგრძნობას, სიბრალულს ამხელს.  
პირველად ვხედავ სიცოცხლეში, თუ როგორ შეენის  
ცრემლი ობოლი და უმწიკვლო შენს წმინდა სახეს.  
პირველად ვხედავ სიცოცხლეში, რომ იყოს ცრემლი  
სიხარულისა, ნუგეშისა, იმედის მგვრელი.

დაე, სიყრშითვე შევეწირო საქმეს საგმიროს,  
ოღონდ მაგ ცრემლმა დამიგლოვოს და დამიტუროს.

(გამოჩნდება დავით სარდალი, მოსაუბრეთ  
რაკი შენიშნავს, სვეტს მოეფარება)

იათამზე

თითქოს ცუდად ვარ, თითქოს მიმძიმის

აქ დგომა დიღხანს

შალვა

იქნებ მე შევცდი, თქვენ სხვა რამე გწაღიათ მითხრათ.

იათამზე

რისი თქმაც მსურდა მოგახსენეთ...

შალვა

იკვმა შემობყრო,

იქნებ, ის რაც სთქვით სხვა რამისა ნიშანი იყო.

რა გადასწყვიტე?

იათამზე

აქ დარჩენა და მარტოდ ყოფნა.

შალვა

სხვას არას ვითხოვ, მე ნუგეშად ესეც მეყოფა.

(მათ მოულოდნელად უახლოვდება დავით სარ-

დალი. შეკრთებიან. დავითი მღელვარებას მალავს)

დავითი (შალვას)

გაღმა გადახვალ, ქალიანზე გეჭიროს თვალი.

იქ იმყოფება მეფე ჩვენი მცირე ამალით.

ამცნე მეფეს, რომ დედოფალი მიემგზავრება.

აი ხალხს უკვე ეს ამბავი ამცნო ზარებმა.

(ისმის ზარების რეკვა)

ისწრაფე, მიგაქვს თან ბარათი ეს საგანგებო,

მით თეიმურაზს ამცნობ, მთასთან რომ შეგვეგებოს.

(გადასცემს. შალვა უსიტყვოდ მიდის. იათამზეს

უკვე ბრძანებისა და მწყრალი კილოთი)

შენ იქნებ ფიქრობ, გამგზავრება გვიგვიანდება.

ისწრაფე. მალე დედოფალიც გამობრძანდება.

იათამზე

ჟწყით, მე მუდამ მრავალ ტანჯვის ვიყავ მომთმენი.



თუ მიძნელდება შევასრულო სურვილი თქვენი,  
გემუდარებით, გულით შეგთხოვთ,  
ჩემგან ეს ნუ გწყინთ.

**დავითი** (მრისხანედ)

თუ რა გადარდებს, ბიძაშენმა ეს უკეთ უწყის.  
ნულარ აყოვნებ, გესმის, როგორ გვიხმობს ზარები?!

**იათამზე**

მე კი ისევ გთხოვ, მე კი ისევ გემუდარები,  
უარს რადა მყოფ, სიქველე ხომ თქვენი ქებულა.

**დავითი**

სანამ ფილა მოთმინების არ ავსებულა,  
ისწრაფე მეთქი...

(იათამზე იძულებულია დავითის ბრძანებას  
დამორჩილდეს. მიდის. გამოჩნდებიან ბეჟან,  
შემდეგ ისკანდერ-ბეგი)

**ბეჟან**

(თვალს გააყოლებს ბალისაკენ მიმავლ დავითს.  
გესლიანად) ხესთან შედგა... ხეს მიეყრდნო....  
კვნესა აღმოხდა...

**ისკანდერ-ბეგი**

რა ამბებია?

**ბეჟან**

სწორად გვისერია, ნიშანში მოხვდა.

(ისკანდერ-ბეგი მოულოდნელად მიდის. მიე-  
სალმება უკან დაბრუნებულ დავითს)

**დავითი** (ცივად)

ახალს რას გვეტყვი?

**ბეჟან**

ძველ ციხის ახლოს, რომ ეტყვიან

ადგილს „თეთრ ლოდებს“,  
ნაბრძანებია ერი, ხალხი იქა შეგროვდეს.

განზრახვას თვისას დედოფალი იქ მოახსენებს,  
ნაბრძანებია ხატი, დროშაც იქ მისავენონ.

(ბეჟან მიდის. დავითი მტრულად გააყოლებს თვალს)

**დავითი**

ბოროტი სული, როგორც წინად, კარგს არ გვიქადის.

თითქოს შიშობსო საწადელი არ გაუძნელდეს  
აქ სასახლეში უდროოდ დროს ქურდულად დაღის.

ფრთხილად სულბნელო, სიცოცხლე მთლათ

არ დაგიბნელდეს!

(მიდის. რამოდენიმე ხნის შემდეგ გამოჩნდება

ქეთევან დედოფალი მოღლილი, სევდიანი

სახით. არე-მარეს თვალს მიმოავლებს.

აივნის სვეტს მიეყრდნობა)

**ქეთევან დედოფალი**

ეს რა დილაა, რა წარმტაცი რა მომზიბვლელი!

ნუ თუ კვლავ ამგვარს ვერ ვიხილავ

მე მზის ამოსვლას?

რა წარმტაცია როს იღვიძებს ალაზნის ველო,

ქვეყანას ჩემსას რა ღვთიური ნათელი მოსავს.

გემწვიდობები, მხარევე ჩემო და თუ კი ვინძლო

კვლავ ვერ ვიხილო, მთხოვნელი ვარ

შენგან შენდობის,

სტუმრად მივდივარ თითქოს, მაგრამ მე

გული მიგრძნობს,

რომ სამუდამოდ გეთხოვები, გემწვიდობები.

თუ ბედი ჩემი, ბედი შავი აღარ დაცხრება.

თუ შორს წამიყვანს, თუ სავალ გზას

არ დამიბრკოლებს,

გჯეროდეს, ფიქრებს შენსას, სევდას, შენს მწუხარებას,

როგორც საუნჯეს, ვით ძვირფას თვლებს,

თან გავიყოლებ.

მეფურ პატივით და დიდებით მომექცევიან,

თუ უცხო მხარეს ტყვეობაში ობლად დავრჩები,  
ვით წვიმის წვეთნი უცხო მიწას დაეცემიან,  
როგორც მრავალი ქართველისა, ცრემლები ჩემი.  
გემშვიდობები... რა წარმტაცი თენდება დილა?  
ღვთის ხელმა ასე რათ შეგამყო, რათ დაგამშვენა?  
თუ კი დავბრუნდი, როგორც ღირსი შვილი, გიხილავ,  
თუ კი არა და, მოგკვდები, ვით შეგშვენის შენა.

(გაიღება დარბაზის ფართო კარები. დავითს  
შემოჰყვებიან გასამგზავრებლად გამოწყობილი  
ამალა, მღვდელთმთავარი, სარდლები, ისკან-  
დერ-ბეგი, ბეჟან. ქალთა შარის იათანზეც. დე-  
დოფალს თავზე გვირგვინს ადგამენ. ბაღში უკ-  
ვე ხალხის ხმაური ისმის. ზარების რეკვა ძლი-  
ერდება, დედოფალი წამოდგება. თვალცრემ-  
ლიანი ხალხი მიჰყვება. ისმის ხმები: „უფალო,  
მოგვხედე! ვაი ჩვენო ბელო!“)

### ღვთისავარ

მიჰყვება ხალხი დედოფალს კვლავ თვალცრემლიანი.  
დამწუხრებულან თვით ბალახნიც, ყვავილნი ველთა.  
აქ სიჩუმეა, აღარ მესმის ნაცნობი ხმანი,  
ასე მგონია, ქვეყანა მთლად დაცარიელდა!

(მოდის მახარა)

### მახარა (დაღვრემილი ჩამოჯდება)

ხალხი კვლავ ხვდება დედოფალს და გზას უღობავენ,  
ეტყობა მალე ურჩობასაც გაუბედავენ.

### ღვთისავარ

ამაო ცდაა. ალბათ ღმერთმა ასე ინება  
და დედოფალსაც განზრახვას ვერ შევაცვლევინებთ.

(ჩაფიქრდება)

გულს კი არ ვიტყვ, მათ ბედნიერს  
კვლავაც შევხვდებით.



**მახარა**

ღმერთო მაღალო, ნუ გაგვწირავ, გადმოგვხედევი!  
(მიდის)

**ხვთისავარ (აკვირდება)**

ის არის... რა რიგ შვენის ჯუბა, გმირსა მაგონებს.  
ნეტავ ვიცოდე, საით უხმობს, ბედს საით მიჰყავს?  
(ჩაფიქრების შემდეგ)

უმჯობესია ის ვუამბო, რაც ჩამაგონეს.  
ღმერთო მაღალო, შენ ხომ უწყვი, ის გულით მიყვარს!  
(შალვას მიეგებება)

აღარ გამოჩნდი, გალავანთან გელოდე დიდხანს.

**შალვა (აღელვებული)**

მითხარ ღვთისავარ, ყველაფერი, ღვთისავარ, მითხარ.  
ყველა წასულა?

**ღვთისავარ**

ყველა, მათში ის ერთიც მიდის,  
რომელსაც მუდამ, ვიცი, სათნო ქალადა სთვლიდი.  
თუმცა წასვლას დროს მიხმო, ჩემთან  
ცრემლებიც ღვარა.

მაგრამ გულს მიკლავს ის, რაც მითხრა და დაგიბარა.

**შალვა (ძლივს წარმოსთქვამს)**

რა დაიბარა?

**ღვთისავარ**

გამხნევედი, შენს ბედს არ გაუწყრეო.  
მე შორს მივდივარ, სამუდამოდ დამივიწყეო.

**შალვა**

რადაო, რადა? ან თვით რად არ გამომეთხოვა?

**ღვთისავარ**

ნამდვილად ვიცი, იმ უსჯულოს მიათხოვებენ.  
გულით გთხოვ, შენ გულს მოარიღო ტანჯვა და ურვა,  
რადგანაც, ვიცი, იმ ასულმა ეს თვით ისურვა.



### **შალვა**

ეს მან ისურვა? ღმერთო ჩემო, ღმერთო, რა მომდის?  
 მცოდნოდა მაინც, ყველაფერი ეს ჩემთვის ეთქვა.  
 მე კი მსურდა, რომ მათ კვალდაკვალ დავდევენებოდი,  
 ახლა კი რა ვქნა, ღმერთო ჩემო, ძალა წამერთვა!  
 (დაემხოზა, კვნესა აღმოხდება)

### **მეორე მოქმედება**

#### **მესამე სურათი**

(ირანის ჯარების სარდლის ისკანდერ-ბეგის სა-  
 სახლის მდიდრულად მორთული ოთახი შირაზში.  
 ისკანდერ-ბეგი და მომღერალი შევქეთ ღვინოს  
 შეექცევიან, თენდება)

#### **ისკანდერ-ბეგი**

გათენებულა... ჩემი ქვეყნის სიომ მოჰბერა.  
 ნულარ აყოვნებ, მეგობარო, შენი სიმღერა!

**შევქეთ** (საქრავს მომართავს. ამღერებს)

თუ გულით გსურს, —  
 ერთხელ არ გავიციანებ;  
 თუ გულით გსურს, —  
 სულ ეკლებში ვიძინებ.  
 მოქანცული ვიყო, —  
 აღმართს ავყვები,  
 ისე ვივლი, —  
 აღარ დაგენახვები.  
 წვიმა იყოს, —  
 ხის ქვეშ არ შევიხვენიებ.  
 ავით გავხდე, —  
 მე კარგათ მოგიხსენებ,  
 მხოლოდ, როცა  
 მოგკედე, შენი მონა მე, —



თქვენ კი, თქვენს სტუმარს, —  
ვით პატიმარს ისე მეპყრობით.

### **შევკეთ**

როგორც ვამჩნევთ, რისხვა ღვთისა გარდუვალია.  
საფრთხის წინაშე დგეხართ,—გამცნოთ ჩვენი ვალია.

### **ქეთევანი**

მოვიდეს იგი, მწარე ბედს არ შეეკუშინდები,  
გჯეროდეთ, რომ მას ვეგებები მე ღამწვილებით.

### **იმამყული-ხანი**

მტკიცეა თქვენი სიტყვა, ჩვენთვის შიშისა მგვრელი.  
დაფიქრდით, გეტყვით, რომ წამებით  
სიკვდილი გელით.

### **ქეთევანი**

სულს ველარ მოჰკლავთ, იგი მარად შემოხვეული  
ნათელი რწმენით, იფრენს ჩემი ქვეყნის ტყე-ველზე!  
სულს ველარ მოჰკლავთ, ხოლო, ესე ჩემი სხეული, —  
მე დამიდვია ჩემი ერის საკურთხეველზე.

### **მეხუთე სურათი**

(დავით გარეჯის მეუღაბნოეთა ეკლესიის მიდამო.  
აღდგომა ღამე. ეკლესიიდან ისმის გალობა. ეკლესიის  
შესავალ კარებთან დგას შალვა. ემჩნევა, რომ ბერათ  
აღკვეცილა. დრო და დრო გამოჩნდებიან ეკლესიისა-  
კენ მიმავალი ბერები)

**ექვთიმე ბერი** (მოხუცს სიარული უძნელდება)  
თუ მოვალწევდი, არ მეგონა ერთგულო ძმაო.  
უსუსური ვარ, როგორც ჩრდილი ისე ვმოძრაობ,  
ჩემზე იტყვიან ძმანნი: უფლის ხელსა დაყავსო.

### **შეორე ბერი**

კვლავაც გატარებს იგი დიდხანს, ჩემო მოყვასო.

### **ექვთიმე ბერი**

თუ შევიძლებდი არ მეგონა, ვერ დაგიმალავ.

შესვო, დასცალე, ჩემი სულის მგობარი ხარ.  
(ღვინოს კვლავ აწვდის)

**შევქეთ** (თასს დაცქერის)  
როგორ მოთავსდა აქ ამდენი ეშხი, სინაზე?!  
მადლი მას, ვინაც უკვდავების წვეთებს გვიგზავნის.

**ისკანდერ-ბეგი**

ერთი პატარა მდინარეა მთელს ქვეყანაზე,  
ის მე ვიხილე, ეწოდება მას ალაზანი!  
აი, ეს ღვინოც მე იქიდან მომიტანია...  
სთქვი სიმღერები, შეაგებე ამ დილის ნიავს.

**შევქეთ** (ამღერებს)


როგორც ვარდმა, —  
თუ ბაღში მიიძინო;  
ნუ მიკრძალავ, —  
იქვე წყაროთ ვიდინო.  
ავად იყო, —  
ჩრდილი გადგეს სიავის,  
ნუ მიკრძალავ, —  
ვიყო შენი ნიავი.  
შენს მსახურათ,  
თუ კი ვერ მოვიცალე, —  
გჯეროდეს, რომ  
არ ვარ, გარდავიცვალე!

(შენიშნავს, რომ ისკანდერ-ბეგს ღამის თევამ  
და ღვინომ სძლია. განაბულა)

ძილმა სძლია, თუ ფიქრს ეძლევა ბატონი ჩემი?  
(წამოდგება. წასვლას აპირებს)

ვგონებ წასვლა სჯობს, ალბათ, უკვე ველარ დავრჩები.

(გადის. რამოდენიმე ხმის შემდეგ შემოდის იათა-  
მზე ოდნავ შემკრთალი. კარებთან შედგება)



**ისკანდერ-ბეგი**

(თავს წამოწევს, თითქოს მისი მოსვლა იგრძნო, გაოცებული შეჰყურებს)

რას მივაწერო, ცისკრის მსგავსი ეს გამოჩენა? ეს სიპართლეა? ეს თქვენა ხართ? თუ მომეჩვენა?!

(წამოდგება. დუმილის შემდეგ)

ჩემთან ბრძანდებით? იქნებ ჩემთან შეხვედრა გნებავთ.

**იათამზე** (გაუბედავით)

დიახ, სარდალო!

**ისკანდერ-ბეგი**

კეთილ იყოს ეს მობრძანება.

**იათამზე**

მე თვით არ ვიცი, ვით გავბედე, იქნებ თავს ვაფნე.

გთხოვთ, რომ იცოდეთ: არ მჩვევია ეგ სითამამე.

**ისკანდერ-ბეგი**

ამგვარი იქვი ჩემში ახლაც აღარ აღძრულა.

მაგრამ ვიცოდე, ჩემთან მოსვლა რამ გაიძულათ?

**იათამზე**

როგორ გამოვსთქვა... დავიბენი, გული ვერ ხვდება, მას, რაც აღარღებს ჩემიანებს, მას აქ რაც ხდება.

**ისკანდერ-ბეგი**

რა უნდა მოხდეს?

**იათამზე**

აქ რათ მოველ მაღალო ღმერთო?  
ღახსოვს, მითხარით თქვენ მრავალჯერ,—  
მე მომმართეთო.

პირველათ მოველ...

**ისკანდერ-ბეგი**

მე ეგ სიტყვა იმედს მასხურებს.

მეც ხომ მზათა ვარ. თქვენ მიბრძანეთ და მიმსახურეთ.



**იათამზე**

იქნებ გამკიცხონ ამისათვის, მაგრამ გთხოვთ მითხრათ:  
სტუმრობას ჩვენსას ბოლო აქვს თუ,  
დავრჩებით დიდხანს?

**ისკანდერ-ბეგი**

ამას რად მკითხავთ?

**იათამზე**

ის მადარდებს.

**ისკანდერ-ბეგი**

სამწუხაროა,

რომ თქვენ აქ ყოფნა არ გიზიდავთ, არ გიხარიათ,  
არ მოველოდი. რათ მითხარი. მე ნუ თუ ვცდები?  
თქვენთვის სიკარგე მსურდა მუდამ, კვლავაც ვეცდები.

(დუმილი ჩამოვარდება)

ჩემი ბალები, შადრევნები თუ ინახულეთ?

**იათამზე**

გუშინ ვეწვიეთ.

**ისკანდერ-ბეგი**

ოქროს ვაშლის ხესაც ნახავდით.

**იათამზე**

ისიც შევნიშნე...

**ისკანდერ-ბეგი**

იქ ზამთარშიც დგას გაზაფხული,  
ფრინველთ გალობას იმა ბაღში ხომ ტყვეთა ყავდით?

**იათამზე**

ღიახ, ვუსმენდი...

**ისკანდერ-ბეგი**

ქვის სასახლე შევამკე მე თვით.  
იქ, თეთრ შადრევანს ვარდის წყალი ბევრჯერ დენია.

**იათამზე**

მე თვით ვიხილე, როგორ სჩქედდა.



**ისკანდერ-ბეგი**

და შემდეგ რა სთქვით?

**იათამზე**

ეგ ყველაფერი, ჩემთვის ფუჭი, მოსაწყენია.

**ისკანდერ-ბეგი**

ჩვენს მხარეს, ვგრძნობ, ჯერ თქვენი  
სული არ შეჩვევია...

**იათამზე**

რა ვქნა, — თქვენს ბალებს ჩემი ქვეყნის  
ტყე მირჩევნია.

**ისკანდერ-ბეგი** (უსაზღვრო წყენა შეემჩნევა)

მე კი მეგონა სიხარულის ყვავილებს ჰკრეფდიოთ.  
თავს ბედნიერად იგრძნობდით და გაიხარებდით.  
სამწყუხაროა. არ ველოდი, მაგრამ ის უფრო  
მაფიქრებს, რომ თქვენ უდედოფლოდ  
წასვლა ისურვოთ.

**იათამზე** (შემკრთალი)

რათ ვისურვებდი?

**ისკანდერ-ბეგი** (ცივად)

თხოვნა შახთან ბევრჯერ აღვძარიოთ.  
მაგრამ აქ რჩება დედოფალი, ბრძანება არის.

**იათამზე**

ო, ეს რა შესაძის! დედოფალს აქ რატომ სტოვებენ?  
(იათამზე შემკრთალი, სასოწარკვეთილების გა-  
მომხატველი სახით მიდის. თითქოს მიწიდან  
ამოძვრავო, შეუმიჩნევლათ გაჩნდება ჯავაირა)

**ისკანდერ-ბეგი**

როს შორს მგონიხარ, არ მახსოვხარ და არ მოველი,  
მაშინ მოძვრები შენ ისე, ვით ხვრელიდან გველი.

**ჯავაირა**

ახლა გველათ მთელი? წინათ იყავ სხვაგვარ აზრისა,



ხომ გახსოვს, ერთ დროს მიწოდებდი  
„ვარდს შირაზისა!“

**ისკანდერ-ბეგი**

ბევრჯერ მსმენია... სულს მიწუხებს ეს საყვედური.  
სთქვი, რის თქმაცა გსურს.

**ჯავაირა**

არაფრისა, — ვარ უბედური.

(წასვლა უძნელდება)

ჩვენი ტრფიალის ოქროს თასი, რათ დაიცალა?  
ნეტავ ვიცოდე, ჩემზე გული ვინ შეგიცვალა?  
(საალერსოთ მიიწევს. ისკანდერ-ბეგი იშორებს)

**ისკანდერ-ბეგი**

მარტო მსურს ყოფნა!

**ჯავაირა**

ნუ თუ უკვე სიტყვაც არ მეთქმის?!

**ისკანდერ-ბეგი**

მარტოთ მსურს ყოფნა, ნურას მკითხავ,  
დამტოვე მეთქი.

**ჯავაირა**

ხელსა მკრავ. ჩემი სიყვარული კი უცვლელია.  
საით წავიდე? ეს ქვეყანა ასე ვრცელია!

**მეოთხე სურათი**

(ქეთევან დედოფლის სახლი შირაზში. შუა დღე)

**ქეთევან დედოფალი** (სარკმლიდან შენიშნავს მისკენ მომავალთ)

აქეთ მოდიან მოციქულნი, სიმხნევე მმართვეს,  
ნუთუ საუბარს, დღესაც იმგვარს გამიმართავენ?!

(ფიქრებს ეძლევა)

მუდამ ტყვეთ ყავდა ამ გესლიან და მწარე იჭვებს  
ცხოვრება ჩემი, ესოდენი ტანჯვითა მძიმე.

სიმხნევე სულის, შენ შთამბერე, შენ მომანიჭე  
ძალო ღვთისავე, უხილავათ რომ დაგვციმციმებ.

(შემოდინან შირაზის ბეგლარ-ბეგი იმამყული-ხანი  
და მოლა. ესალმებიან)

**იმამყული-ხანი**

ნება გვიბოძეთ დედოფალო, კვლავ გიახელით,  
ჩვენ ორი მონა, ალაპის და შაპის სახელით.

**ქეთევანი**

მოგესალმებით, დიდებულნო, მეც მონა ღვთისა.

**იმამყული-ხანი**

გვჯერა, რომ თქვენს გულს დაეპყრა ისე, ვით ცვარი  
კეთილი ზრახვა და სურვილი შაჰინ-შაჰისა.

**ქეთევანი**

მე მოგახსენეთ. ჩემი სიტყვა კი,—მტკიცე არის!

**მოლა**

რჯულის შეცვლა, ეს ღვთის ნებაა. ამაში გვენდეთ.

**ქეთევანი**

ეს სულმდაბალთა თვისებაა და თუ გავბედე  
იქვის მიტანა თქვენს ნათქვამში, გთხოვთ მომიტევოთ.

**მოლა**

ვთქვათ ეს წერაა უღმობელი, რას გვეტყვით მაშინ?

**ქეთევანი**

თუმცა ქალი ვარ, მაგრამ გეტყვით: არ ვარ უმწეო,  
რა რიგ მკაცრი არ იყოს წერა,—ვერ შემაშინებს.

**მოლა**


მოსაწონია თქვენი სიტყვა, ის კაცს მადლს მოჰფენს,  
მაგრამ შედეგი დაგვამწუხრებს კეთილის მყოფელთ.

**ქეთევანი**

მოსაწონია თქვენი სიტყვა, ბრძენო მოხუცო.

**იმამყული-ხანი**

უწყით, იცვლიან რჯულს მრავალნი შეფეთა გვარის.



**ქეთევანი (წყენით)**

უზნეო საქმე ყოველივე, ჩემთვის არს უცხო,  
დედოფალი ვარ, არა მონა,—თქვენს წინა მდგარო.

**იმამყული-ხანი**

ჩვენაც თაყვანს გცემთ. დიდმა შაჰმა აქ გამოგვგზავნა,  
რადგან გამშვენებთ სიტყვა, საქმე მუდამ მართალი.

**შევქეთ**

ქვეყნის მპყრობელმან შაჰმა თქვენი სიკეთე, ბრძანა  
და გადმოგხედათ თქვენ ღირსეულს  
წყალობის თვალით.

**ქეთევანი**

ამგვარ წყალობას, დიდი ხნიდან ვარ შეჩვეული.

**იმამყული-ხანი**

გაუგებარი არის ზოგჯერ სიტყვა რჩეულთა.

**ქეთევანი**

ამ წყალობისგან მხოლოდ ტანჯვა, ცრემლი მიგრძენია.

**იმამყული-ხანი**

ნათქვამმა თქვენმა ჩვენც შეგვაკროთ,  
ჩვენაც დაგვძლია  
და გთხოვთ გვიამბოთ ყოველივე, ჩვენაც გაგვანდეთ.

**ქეთევანი**

თქვენმა მოგზავნილ კაცმა მოჰყლა ის ალექსანდრე  
მეფე მოხუცი, ვისაც ხალხი თაყვანსა სცემდა;  
თვით თეიმურაზს, მეფეს ჭაბუკს აღარ ასვენებთ;  
აქ, ქართველობა გაგიხდიათ მონებათ, ყმებათ;  
ხოლო წამებას შეილიშვილთა ვერ გავიხსენებ \*)  
აქ მაინც მოველ სათნო ფიქრით და არა მტრობით.

\*) შაჰ-აბაზის მიერ გამოგზავნილმა კონსტანტინე ბატონიშვილმა მოჰყლა მეფე ალექსანდრე (მამამთილი ქეთევან დედოფლისა), ხოლო ქეთევან დედოფლის ორი შვილიშვილი ალექსანდრე და ლევანი ჯერ დაასაჭურისეს და შემდეგ წამებით დაიხოცნენ (ლევანი კკუიდან შეირყა) ირანში.





**ბეჟანი**

შეიპყარით! (დაუღვენებთან)

**მისამე მოქმედება**

**მეექვსე სურათი**

(იათამზის ოთახი სასახლეში, შირაზში. ემჩნევათ, რომ იათამზე და ღვთისავარი დიდი ხანია საუბრობენ)

**იათამზე**

ოი, ღვთისავარ! მე უბედურს ეს რა მითხარი?!  
სიცოცხლე ჩემი, სამუდამოთ რათ შემაძღულე?

**ღვთისავარ**

ვწუხვარ, სამარე სადმე მეც რათ არ გამეთხარა;  
ბებერ მგელივით ქვეყანაზე რათ დავძუნძულებ?

**იათამზე**

როგორ მოვიქცე უბედურმა?—

ფიქრს თავს ვერ ვართმევ.

**ღვთისავარ**

მოხუცის სულიც, მწუხარებით, დარდით აივსო.

**იათამზე**

რა გიპასუხა, ყოველივე როს განუმარტე?

**ღვთისავარ**

მხოლოდ ეს მითხრა უბედურმა, გვიან არისო!

**იათამზე**

განაგრძე!

**ღვთისავარ**

რა ვსთქვა? მე, სათქმელი, თუმცა ბევრი მაქვს:

გულცივათ იყო, გზა განვაგრძე, არ გამაცილა;

იმავე ღამეს, მონასტერი დაურბევით;

არ მოუცვლიათ ბერებს ფეხი და დახოცილან.

მე, ტყვეთ შემიპყრეს იმავე ღამეს. გათენდა შავი

აღდგომა ჩემთვის და მას შემდეგ მიტირის გული.

მან, ქვეყნის საქმეს, ვაჟკაცურათ შესწირა თავი.

მე კი... რალა ვარ, ცოდვილი და დამარცხებული?

## მეორე ბერი

უფლის აღდგომის ღამეს, ყველას გვემატვის ძალა!

## ექვთიმე ბერი

ქეშმარიტად, რომ ყოვლის შემძლე არს მოთმინება:  
ვით მთის ნიაფი,—იმედი, გულს კვლავ მეფინება.

თავს უკეთა ვგრძნობ...

## მეორე ბერი

ხომ ყოფილა ქმუნვა ამაო?

აი ამ ქვაზე ფეხი შედგი, წმინდა მამაო!

უფლის აღდგომა, დაგვიმკვიდრებს

კვლავ კეთილ ამინდს,

კვლავ სათნოება დამკვიდრდება...

ექვთიმე ბერი (პირჯვარს გადაისახავს) უთალო, ამინ!

მეორე ბერი (შენიშნავს სვეტს მიყრდნობილ და ლო-  
ცვათ დამდგარ შალვას)

აი, ის არის, მის შესახებ წუხელ ხომ ვსთქვი მე.

გულით მებრალვის, მოშწონს მეთქი,—მამავ ექვთიმე!

## ექვთიმე ბერი

თურმე განთქმული გმირი იყო, ტანს რკინა ეცვა!

## მეორე ბერი

არავინ უწყის, შემდეგ ბერათ რად აღიკვეცა.

მხოლოდ ეს მითხრეს მახე, ძმებმა,—მამავ ექვთიმე,

რომ ლოცვის შემდეგ, ტყეში მიდის, ჩუმათ ქვითინებს.

## ექვთიმე ბერი

ალბათ დიდ ცოდვას ჩაიდენდა ყმაწვილი ერთდროს.

მისატევებლათ ცოდვებისა, ღმერთს შევევედროთ.

(მიუახლოვდებიან ეკლესიას, შედიან)

## მესამე ბერი (ცას აკვირდება)

ვამჩნევ, ცისკარმა აღარ უნდა დაიგვიანოს,

მალე აღდგომას მოგილოცავ, მამავ დიანოს!

(ეკლესიაში შევლენ)

ელიოზ ბერი (შენიშნავს უკან მომავალ ბერს)  
გწყალობდეს ღმერთი... კვლავ სალაში გაგიმეორე!  
(სანთლებს გაუწვდის)

წმინდა სანთლები მომიძღვნია, მამავ თევდორე.

**თევდორე ბერი**

მადლობას გწირავთ. აწ ჩვენ ყოველ სიკეთეს ველით.  
რა რიგ საამოთ მოჰფენია ველს საკმეველი!

თქვენთვისაცა მაქვს, ვგონებ უკვე გამოძეილოს.

(მძივს გაუწვდის)

ეს საჩუქარი, გთხოვთ მიიღოთ, ძმაო ელიოზ!

**ბერი ელიოზ**

მადლობას გიძღვნივთ. კარგი არის, ეს დიდათ მარგებს.  
კრიალოსანი ჩემი გუშინ ტყეში დაკვარგე.

(პირჯვარის წერით შედიან ეკლესიაში.

ეკლესიისაკენ სვლა შეწყდება)

**შალვა**

სული და გული ჩემი, ბრძოლის ქარ-ცეცხლს  
არ მთხოვენ.

მთელი აზრებით მივწოდებივარ მე, ყოვლის შემძლეს;  
გულმართალ ბრძოლებს, სიყმაწვილეს გამოვეთხოვე,  
შევფარებივარ, ვით მორჩილი, მონასტრის კედლებს.

რაც გულით მწამდა, ვერასოდეს ვერ ვინახულებ:

ბრძოლების ადგილთ,—დაუვიწყარ ლამაზ ტყე-ველებს;

განდგომილი ვარ, მონასტერში მშვიდათ ვმარხულობ.

იქნებ... შეგცოდნე შენ, უფალო და მიმიტევე.

(პირჯვარს გადაისახავს)

ცისკრის ჟამია, თუ მწუხრია ველს დაფენილი,  
როს ყოველივე მავიწყდება და ლოცვად ვდგები,—

შენ, უცხო მხარეს განცხრომისთვის გადაფრენილი,

მე, მონასტერში დაყუდებულს, რათ მაგონდები?!  
თუ კი ამგვარათ ფუჭი იყო შენი მშვენება,

რათ მომავლინე მე ამგვარი ტანჯვა და რისხვა?!  
ვინ იცის, ახლა, სად ეძლევი განხცრომას, შვებას?! —

რომ გიგონებდე მონასტერში, შენ არა ღირს ხარ!  
(გამოჩნდება ღვთისავარ. სიარულშიაც ემჩნევა  
წმინდა ადგილისადმი პატივისცემა. ეკლესიის

წინ შესდგება. პირჯვარს გადაისახავს.  
ბერს აკვირდება)

**შალვა** (იცნობს. აღტაცებით)  
ღვთისავარ, ჩემო საყვარელო!

**ღვთისავარ** (მოეხვევა)

ეს, შენ ხარ შალვა?!

გზათ მივდიოდი, მაგრამ გულმა არ მოიშალა,  
აქეთ მომწევდა, თითქოს გრძნობდა,

რომ შეგხვდებოდი.

**შალვა**

წირვის უამი დგას, თორემ სადმე ჩამოვსხდებოდი!

**ღვთისავარ**

როგორ შეცვლილხარ ძმაო ჩემო, მე, ძლივსღა გიცან!  
სად არ ვიყავი, დაგეძებდი ჩემს ღმერთსა ვფიცავ.

**შალვა**

ასეთი არის ზვედრი ჩემი...

**ღვთისავარ**

არა, არ მჯერა,

რომ დაგიგდია ყოველივე,—შემდგარხარ ბერათ!

ვაუკაცობა ხალხს, შენი, ჯერ არ დაგიწყებია:

შენი ბრძოლების ამბავს, ახლაც ხშირათ ყვებთან.

**შალვა**

მე კი დავშორდი. სამუდამოთ სული მიცხრება;

ჩრდილს და მონასტერს,—შეეფარა ჩემი ცხოვრება!

**ღვთისავარ**

ერთ დროს იყავი, ძმაო, ბასრი ხმლისა პატრონი,

კვლავ მოგელიან, ჯარს აგროვებს მეფე ბატონი.

**შალვა**

მახარებს შენი დაუმცხრალი სწრაფვა გულწრფელი,  
მაგრამ რას ვიზამ,—დამიგდია წუთისოფელი!

**ღვთისავარ**

თავს ვიწონებდი შენით მუდამ და ვამსყობდი,  
არ მოველოდი, რომ შენ ამგვარ პასუხს მეტყოდი!  
იქ მიმეღიან. დროზე მივალ, ასე იციან.

**შალვა**

კეთილად ვლიდე, გზა სავალი დამილოცნია!

**ღვთისავარ** (ყოყმანის შემდეგ)

რა კი ასეა, მსურს იცოდე, რომ შენს წინაშე  
ცოდვა მიმიძღვის, უნებლიეთ ვარ დამნაშავე,  
ასული იგი შენზე სწუხდა, შენზე ბნდებოდა,  
შენი ღვთისავარ სულ სხვა ამბავს გეუბნებოდა.  
ფუჭად მიმაჩნდა თქვენი ტრფობა, მსურდა სიკეთე;  
ნაცვლათ ამისა, სულში შხამი რათ ჩაგიწვეთ?  
ამგვარი ტრფობა, ვიცი ხომ კაცს სჩაგრავს, გარიყავს.  
ვაჟკაცი იყავ,--არ მინდოდა დაჩაგრულიყავ.

**შალვა**

მივხვდი, რომ შეესთხზე ის ამბავი, თანაც ცდებოდი.  
ნულარ იჯავრებ, მე ეს ბელი არ ამცდებოდა.

**ღვთისავარ**

მაშ, თავს დასძლიე! მითხარ,  
გული რათა გაქვს მკვდარი?

**შალვა**

ნუ გინდა ძმაო,—ყოველივე, აწ გვიან არის.

**ღვთისავარ**

უკანასკნელათ, მინდა ძმაო, ისიც იცოდე,  
სხვამ შემაცდინა; მე, ბეჟანის რჩევით შევცოდე.

**შალვა**

ამასაც ვგრძნობდი. ეს კი, მზარავს და წყრომას იწვევს,

მაგრამ, ნუ გინდა, ყველაფერი გადავიწყე.

**ღვთისაჯარ**

ნაშ აქ დარჩები სამუდამოთ, იმედს არ მაძლევ...

**შალვა**

ასე სჩანს, ძმაო...

**ღვთისაჯარ**

მე კი, უხმლოდ, ქვეყნად ვერ გავძლებ;

უნდა ვიბრძოლო, სანამ მთლად არ დავიხარჯები.

მშვიდობით, ძმაო!

**შალვა**

გზა მშვიდობის! გზა გამარჯვების!

(ღუმილის შემდეგ)

არ მშორდებიან, მე ყოველთვის, სიზნარად თუ ცხადად.

მელანდებიან, მუდამ, შენი თვალნი მწყურალები:

უცხო მხრისაკენ განაზნულსა, თუ კი გკიცხავდი,

ახლა რათ შფოთავს სული ჩემი, რათ მებრალები?!

(იწყება ზარების რეკვა. მლოცველნი, ანთებული სანთ-

ლებითა და გალობით აპირებენ ლიტანიის დაწყებას.

საზეიმო განწყობილება მოულოდნელათ შეიცვლება.

შეშფოთება მატულობს. გალობა თანდათან ცხრება.

ლამის სიბნელეში ანთებულ კელაბტრებს შორის, ბე-

რების მრავალმეტყველი სახეები ელავს. გაისმის ხმა):

რისხვა ღვთისა, ძმებო, მტრები შემოგვესია!

**მეორე ხმა** გალობით, ლოცვით მოვეხვიოთ

გარს ეკლესიას!

(მოახლოებული მტრის ხმაური მატულობს. თავგანწი-

რულების გამომხატველი გალობა და

დაღადისი ძლიერდება)

**ექვთიმე ბერი** (ანთებული სანთლებით უკან ბრუნ-

დება. თითქოს მიფრინავს)

აჰა, დაესხა საქართველოს ვერაგი მტერი!

გამხნევდით ძმებო! მოგიწოდებს ექვთიმე ბერი!  
(ის სუსტი, მაგრამ თავგანწირული ხმით წამოიწყებს  
სიზღერას: „შენ ხარ ვენახი!“ ბერები შეუდრეკელნი  
დგანან, უკვე შემოჭრილი მტრის წინაშე; მღეროან  
ქლიერი ხმითა და იხოცებიან)

### ექვთიმე ბერი

დაე, ეს მრევლი, გაუტეხელ კლდეს დაეჩვენოს!  
(შენიშნავს მოხუც ბერს, რომელიც დაჭრილი დაეცა,  
სანთელი გაუვარდება, ჩაქრება. ექვთიმე წამოაყენებს.  
სანთელს აუნთებს, გადასცემს) აჰა, სანთელი სიმართ-  
ლისა, ბერო დიანოს. (აქ-იქ ცეცხლის ალი ავარდე-  
ბა, დიანოს წამოდგება. სხვებთან ერთად სიმღერას  
განაგრძობს)

### დიანოს

ო, მადლი თქვენა! მტერი ჩვენს სულს  
ველარ. გასთელავს!  
გიზგიზებს ცეცხლი, საქართველოს განსანათებლად!  
(მტრის მახვილით განგმირული ეცემიან. ზარების რე-  
კა ცხრება. სანთლები მხოლოდ აქა-იქ ბეუტავს. მტრის  
მოლაშქრენი შენიშნავენ მარტო მდგარ ბერს, რომე-  
ლიც მათ წინაშე შეუდრეკლათ აიმართება)

### ბერი

მე სიკეთე ვარ, სათნოება—თქვენს წინა მდგარი!  
არ მაკრთობს ზეპალი ბოროტისა, მოდით დამკარით.  
(განგმირული დაეცემა. მტრის თარეში წყდება. უკა-  
ნასკნელი სანთელი ქრება. თენდება. გამოჩნდება ირა-  
ნელი მხედარმთავრის ტანისამოსში გამოწყობილი ბე-  
ჟანი ჩაფიქრებული მოდის)

### ბეჟანი

ამ, ბოროტ ზრახვებს, ბოროტ საქმეს სანამ მოვსდიე!  
აწ, გვიან არის. მე, ცოდვები მიმიძღვის დიდი.



ფარულათ ვიწერ პირჯვარს. ღმერთო, შენ მაპატიე;  
საქმეს ბოროტსა, მე ოდესმე გამოვიწყდი.

**შალვა** (თავს წამოწევს. გონს ვერ მოდის)  
ცოდვით აღსავეს და მრისხანე, თენდება დილა.  
თვალი, ამ სურათს, ამ ჯოჯოხეთს როგორ ეჩვევა?!  
ეს ყოველივე, რაც ვიხილე, სინამდვილეა  
თუ, ის, უფალო სიზმარია და მოჩვენება?!  
ასეთი ბედი, შენს ტანჯულ მრევლს რატომ არგუნე!  
აღდგომას შენსას, შენს ტაძარში.

როდის ვხვდებოდით...

ასეთი ტანჯვით? და იგი რათ მოგვივლინე?!  
ჩვენ ხომ სიყვარულს, სათნოებას გევედრებოდით?!  
თავში დავჭრილვარ. მაგრამ მაინც,

ჩემს მოძმეთ შორის

რათ ვარ ცოცხალი?—სიცოცხლისაგან

კვლავ არას ველი.

ღმერთო მაღალო, ცოდვილ მიწას მეც მომაშორე,  
მეც დამიმკვიდრე. შენს წიაღში სასუფეველი.

(შენიშნავს ბეჟანს)

ნუ თუ ის არის? წამოვდექი. —

ვგრძნობ სიკვდილს ვსძლიე.

მწარე, სიცოცხლე ჩემი, ვგონებ ისევ იწყება.  
მოძმენო ჩემნო, განგმირულნო,—თქვენ მაპატიეთ,  
მე მონაზონის წმინდა ფიცი თუ მავიწყდება.


(ბეჟანს)

მიცანი ვინ ვარ? არაკაცო, ბოროტო სულო!  
შენი საქმენი, ერთხელ მაინც შეგეცნო, გეგრძნო.  
ამ წმინდა ადგილს, უწმინდური გულით მოსული,—  
კვლავ აღარ შემხვდე, მომერიდე ეშმაკის კერძო!

(ბეჟანს გარს შემოეხვევიან ირანელი მხედრები.

შალვა გაიჭრება)





**დავითი**

ნუთუ, ბედმა ასე გაგვწირა?  
ასე დამამხო სიბერეში და დამამცირა?  
**ქეთევან დედოფალი**  
იქ ვინ არიან? შევნიშნე, თუ მომლანდებია?!

**დავითი**

ჩვენი ხალხია. დედოფალო, გველოდებიან!  
ჩვენი ხსნა, თქვენთან ყოფნა იყო მათი მიზანი.  
ახლა რა ვუთხრა, როგორ შევხვდე,  
რა პირით მგზავნით?

**ქეთევან დედოფალი**

მე თვით შევხვდები!  
(მთვარის შუქზე გზას მიიკვლევს. დავითი მიყვება.  
მიეგებებიან საქართველოდან მოსულნი კაცნი.  
მათ შორის შალვა)

**მერვე სურათი**

(ისკანდერ-ბეგის სასახლის სადარბაზო ოთახი.  
იათამზე თავჩაქინდრული ზის)

**შევქეთ** (შემოდის. იათამზეს შეუმჩნეველათ უახლოვ-  
დება: იათამზე შენიშნავს, შეკრთება)

თქვენ აქ ბრძანდებით?! თავს დაგადგათ  
ჩემი ჩრდილი ვარდს!

დღეს ქორწილია, მაგრამ რა ვქნა, მოწყენილი ვარ.  
ვემზადებოდი ამ დღისათვის. დღეს კი, არ მინდა  
ედემშიც ყოფნა. თავს ობლათ ვგრძნობ,  
გული მომიკვდა!

**იათამზე**

რატომ ბატონო?

**შევქეთ**

ვინ გამიგებს, ვინ მიმიხვდება!  
ჩემს გულს ხშირათ და სულ ადვილათ ეკალი ხვდება,  
უცნაურ კაცად მთვლიან... მეც ამ ამბავსა ვყვები:



გულით მიყვარდა. მისთვის მუდამ სიკეთე მსურდა?  
მაგრამ, ცდა, ჩემებრ უბედურის, ასე დასრულდა.

**იათამზე**

მესამე დღეა,—გლოვის გარდა, მე, არა მინდა...

**ღვთისაგარ**

უტირის გული, შენთან ერთად შენს ღვთისაგარსაც!

**იათამზე**

რა გზას დავადგე? ვინ გამიგებს? ვინლა შემინდობს?!

შუა-ზღვაში ვარ, მე, ცარიელ ნავისა მსგავსათ.

არ ვიცი, საით მივაშურო; სადღა ვეძიო

სიმშვიდე სულის: სატანჯველი როგორ დავძლიო!

**ღვთისაგარ**

მებრალვის იგი, მაზე მეტად მებრალვი შენა!

რა ნუგეში გცე?—გამიქვავდა უბედურს, ენა.

**იათამზე**

უბედურება ჩემი, ვიგრძენ, მე შეყვსეულათ;

ამ დარღმა, ღონე წამართვა და დამასნეულა.

არ ვიცი რა გზას დავადგე და რა მოვისაზრო.

ჩემი იმედის ყვავილები სუსხმა დააზრო!

**ღვთისაგარ**

ამგვარ წუხილში და ტანჯვაში, სანამდე გავძლებ?

მანც ვეძიებ გამოსავალს: იმედს ვინ მაძლევს?

შემინდეთ,—წაველ! მიმელიან ჩემი მოძმენი

ჩემებრ ტყვეობით გულმოკლულნი, ქართველისა ძენი.

**იათამზე**

მშვიდობით იყავ!

**ღვთისაგარ**

მე, სიმშვიდეს ვინ მომანიჭებს?

მოსაპოვებლათ სიმშვიდისა, მე არა ვზრუნავ,

მე, ჩემი ქვეყნის სიყვარულით ისე დავიჭერ,

რომ ამ იარას, უფლის ხელიც ვერ განმიკურნავს.



ჩემი სწრაფვა. თუ, სული,—სხვაგვარ ფიქრებს უნდება.

(წელზე ფარულათ მიკრულ ხანჯალს გამოაჩენს)

აი ხანჯალი! ვით ბალახი, ნაპრაღზე ხარობს.

ბებერი მგელი ისე როდი დაძაბუნდება,  
რომ თვის ბუნაგის ამომგდების ჯავრ არ იყაროს.

**იათამზე**

მომინახულე კვლავაც ხშირათ, არ მიმატოვო!  
სანუგეშებლათ იმედი მეც იქნებ ვიპოვო.

**ღვთისაგარ**

მივდივარ. რა ვსთქვა, იათამზევ?...  
**იათამზე**

**იათამზე**

კეთილად გნახე!

(გააცილებს. ფიქრებს ეძლევა)

მე საპყრობილეთ გადამექცა ეს ქვის სასახლე.

სადლა წავიდე? მწირი თავი ვის შევაფარო?

სანამდე ვიჭდე და ცრემლები ფარულათ ვღვარო?!

იქნებ ეგონა, ჩემი ბედის მადლობელი ვარ.

იქნებ ჩემს ტანჯვას აღარ გრძნობდა, აღარ იცოდა;

ღმერთმა იცოდეს,—იმ თოვლივით უცოდველი ვარ,—

ერთხელ, ფარულათ შეხვედრის დროს

რომ გვაცვიოდა.

თავს დამტრიალებს ფიქრი, როგორც ქარი საზარი.

სადლა წასულან ის დღეები, როგორც სიზმარი?

(შემოდის დავითი)

**დავითი**

კვლავ მოგიკითხე, შვილო ჩემო, მე სიყვარულით!

**იათამზე**

მუდამ მახარებს თქვენი ხილვა, ჩემო ბატონო!

**დავითი**

შენს ფარულ ტანჯვას აღარა აქვს,  
ვგრძნობ, დასასრული.

და ამ ყოფაში, შეილო ჩემო, როგორ დაგტოვო?  
დიდიხანია შენს სიკეთეს მიზნათ ვისახავ.  
ობლათ აღზრდილო, ბიძაშენი, ვზრუნავდი შენთვის!  
იქნებ ვერ გრძნობდი, და არ ვიცი, რა აზრისა ხარ...

### იათამზე

სხვა მე არ ძალმიძს, ერთად-ერთი: მაღლობა მეთქმის.

### დავითი

სურვილებს ჩემსას, ვთმობდი,—

შენსას ვირჩევდი უმაღლეს.

მაგრამ ტყვეთ ვყავარ დიდი ხნიდან

ერთს ფიქრს იღუმაღლეს;

თუ მართალია, მაშინ მივხვდი, სანთლისა მსგავსათ,  
თუ რატომ დნები უცხოეთში...

### იათამზე

მქონდეს უფლება,

მე მეკუთვნოდეს, საიდუმლო ჩემათ ითვლება.

### დავითი

დაგყვები ნებას, შენს ფაქიზ სულს

როდი მსურს ვაგნო.

მეც მქონდეს ნება, საიდუმლო რომ გაგიმყლავნო.

### იათამზე

ბრძანეთ, ბატონო!

### დავითი

მაზე ფიქრი დიდათ მაწამებს.

გთხოვ, გულგრილობას ბიძაშენსა ნულარ დასწამებ.

ნურცა განსაზღვრავ მის ცდას შენზე

და ზრუნვას ამით.

თუ გეტყვი: შენი გათხოვების მოვიდა უამი!

გული გეტყინა?—არც მე ვხარობ,

მსურს დაგამშვიდო:



უყამურ უამში ვიმყოფებით ყველანი, შვილო!  
 მე საქორწილოთ, მოსალხენათ არ მოგიწოდებ,  
 მე უფრო მეტათ მიწუხს გული, უნდა იცოდე.  
 ვიზედაც ვამბობ, ვგრძნობ მიმიხვდი და მიღონდები.  
 საჭირო არის დამიჯერე, დავითს ენდევი!  
 მაპატიე, რომ შენს უწმინდეს ზრახვებს ვეხები.  
 ასე მგონია, მალე ნაპრალს გადვიჩიებები;  
 ისედაც ობოლს, ცხოვრება—ერთს დაგიმარტოვებს;  
 მე არ ვიქნები, ბიძაშენი,—ვინ გიპატრონებს?!  
 ვგრძნობ მეთანხმები, მაგრამ თვალზე  
 ცრემლი გადგება!

**იათამზე**

ასე რათ მღევნის ბედი, ასე რათ  
 მტანჯავს, მრისხავს?

**დავითი**

მაცდუნებს მე ის, რომ ის კაცი გამოგვადგება,  
 მის დახმარებით დედოფალი, იქნებ, დაჯიხნათ.  
 (იათამზე ყრუთ ქვითინებს. შემოდის ღვთისაგარი)  
 ჩემო ღვთისაგარ!... ღმერთმა იქნებ არ მიგვატოვოს...

**ღვთისაგარ**

იმედს არ ვკარგავ არასოდეს, დიღო ბატონო!

**დავითი**

შენებრ ვაუკაცებს როს ვხვდებოდი,  
 მე იმედს მგვრიდნენ.

**ღვთისაგარ**

საქართველოდან მოგზავნილი კაცნი მოვიდნენ,  
 ალბათ ფარულათ, ეჩქარებათ თქვენთან შეხვედრა.

**დავითი (იმედი ჩაესახება)**

ჩვენი განზრახვის მისაღწევათ, ღმერთს შევევედროთ!  
 წავიდეთ, ჩემო ბერო კაცო!



**ღვთისავარ**

არ მიმატოვოთ,  
თუ სახიფათო საქმეს იწყებთ, არ გამომატოვოთ!

**ღავითი**

როგორც ყოველთვის, სახიფათო გზასა ვადგებით,  
ჩვენთან ხარ, ჩვენო გმირო გლუხო, გამოგვადგები  
წავიდეთ! გეტყვი საიდუმლოს და გულის ნადებს.

**ღვთისავარ**

ნულარ მამყოფებთ ტყვეობაში მე უსარგებლოთ.  
ამ სიბერის უამს საფლაფში მე ისე ნუ ჩამდებთ,  
რომ ერთხელ მაინც ჩემმა ხმაღმა არ გაიღვოს!

**ღავითი**

მივღივარ...

**ღვთისავარ**

მოგდევთ, მეც ბატონო! მარტო ვერ გავძლებ.

**ღავითი**

ჩვენი გლუხ-კაცი დაილოცოს! იმედს თქვენ გვაძლევთ.  
(მიდიან)

**იათამზე**

რა გზას დავადგე? მომავალი მთლათ დაითალხა,  
მე ხომ ფარულათ ვსდევდი მას,  
ვით ვარსკვლავსა. მწამდა.

მე ვერაფერი ვერ გავიგე. სადა ვარ ახლა?  
თითქოს ბინდია, თითქოს გზაზე შემომიძლია.  
(ფეხაკრეფით შემოდის ბეჟანი)

**ბეჟანი**

დღეს აქ მესამეთ შემოვღივარ, იქნებ გწყინთ ჩემი  
მოსვლა...

**იათამზე**

ბატონო! გული მიწუხს რომ მარტოთ ვრჩები.



**ბეჟანი**

მე ამას ვამჩნევ და ნუგეშის ცემას ვერ ვბედავ.

**იათამზე**

რატომ? ბრძანეთ, რათა ბატონო?

**ბეჟანი**

რადგან ვხედავ,

ჩემთან შეხვედრა, საუბარი ჩემთან, გადღონებთ.  
ვინ იცის ჩემზე რა მოგიყვებს, რა ჩაგაგონებს,  
ვინ იცის, თქვენებრ კარგნი ჩემზე რასა ფიქრობენ.

**იათამზე**

მხოლოდ ეს ვიცი: სამშობლოში რომ გემდუროდენ,

**ბეჟანი**

მე კიდევ უფრო მეტი ვიცი. ვიყავი ურჩი.

ჩემთა მოძმეთგან სიკვდილს ბევრჯერ—

რომ გადავურჩი.

ციხენი ჩემნი იავარყვეს. ბევრჯერ დამხურეს

თავსა ლეჩაქი...

**იათამზე**

რისხვა რატომ დაიმსახურეთ?

**ბეჟანი**

პასუხისგებას არავისგან მე არა ვითხოვ.

სამაგიერო ყველა მათგანს ღმერთმა მოკითხოს.

გზა გავიკაფე. აწი უკვე ჩემს მტრებსა ვსძლიე.

მაგრამ მე მათზე სულგრძელი ვარ. შურს არ ვიძიებ...

**იათამზე**

ვგრძნობ, თითქოს სხვა რამ უნდა მითხრათ.

**ბეჟანი**

მე არ შემშვენიის,

რომ შენს წინაშე დავამცირო დღეს ბიძაშენი;

მაგრამ იცოდე, ჩემს დამხობას მუდამ ლამობდა,

ჩემს ცუდ კაცობას და ბოროტსა ჩემზე ამბობდა;





## ბეჟანი

წყევლას ამგვარსა, ჩემი გული ბევრჯერ მოუკლავს.  
მაგრამ ის უფრო მატებს ძალას

ჩემს სულის სწრაფვას.

ვაწყდები ყველგან მე სიძულვილს,

როგორც ნარ-ეკალს;

არ ვეპუები მაინც არვის... გზას გავიკაფავ!

## მეშვიდე სურათი

(საპყრობილე. შუა ღამე. ქეთევან დედოფალი კედელს  
მიყრდნობია, ფიქრებს მისცემია)

### ქეთევან დედოფალი

ხვალ მაწამებენ. ახლოვდება,

ვგრძნობ, აღსასრული.

მაგრამ, არ მაკრთობს; იგი მხოლოდ

დამადგამს ნათელს.

ვგრძნობ, ხსნა არ არის მასში, მაგრამ ეს ჩემი სული  
დაემგვანება სიბნელეში ანთებულ სანთელს!

ჩემი ცხოვრება,—ეს მუდმივი ტანჯვა და ჯვარცმა  
ხვალ დასრულდება; სამუდამოდ მომასვენებენ!

ნიჰნი ყოველნი წარმოვიდა და განმეძარცვა,

მაგრამ მჯერა, რომ ქართველის ძენი გამიხსენებენ!

მომიგონებენ... ოდეს ქართველის ტყე-ველნი, მთანი,

გაიხარებენ მათგან აღზრდილ გმირის განგებით!

და მანამდე კი, მათი დედა, მე—ქეთევანი

ნანგრევენ შორის, ჩემი ქვეყნის,—ლოცვათა ვდგები!

ირგვლივ ღამეა უცხო ქვეყნის და ღუმილია!

აენტო სული! ახლა სანთელს, ვგრძნობ, შევედრები.

ჩემი ქვეყანა მწირი, ვისიც წილხვდომილია.—

დედასა ღვთისა, გულმხურვალეთ შევევედრები!

მომეცი ძალა, რომ არ ვიგრძნო მტრის წინა შიში;

გოლგოთისაკენ მიმავალი გზა გამიკვლიე;  
შთამბერე სული უტეხი და მადლობის ნიშნათ,—  
სიცოცხლე ჩემი, ვინა კვამლი, შენ მიიკმე!

(ჩამოჯდება. კვლავ ფიქრებს ეძლევა, სმენას  
გაიმახვილებს)

ჩურჩული მესმის! ნუთუ ბჭობენ კვლავ, ასე გვიან?!  
(ადამიანის ლანდი მოადგება. შემოდის)  
ვინა ხართ თქვენა?

**დავითი**

დავითი ვარ! ნუ მირისხდებით!  
რისთვის მოვსულვარ დედოფალო,  
ალბათ, მიხვდებით.

**ქეთევან დედოფალი**

რას მოასწავებს?

**დავითი**

დედოფალო, ნუღარ აყოვნებთ!  
გზა გახსნილია, დაყოვნება საქმესა ავნებს.  
კაცნი მოსულან, გაგყვებიან მცველნი, მხლებლები.  
ისე მიაღწევთ სამშვიდობოს, ხელს ვერვინ გახლებთ.

**ქეთევან დედოფალი** (წარბშეკვრით)

ვერ მოგიწონებთ; საქმეს ამგავარს, ვერვის ვერ ვუქებ;  
ამგვარი ხსნა მე ტანჯვას როდი შემიმსუბუქებს.

**დავითი** (შეშფოთებული)

მაშ, უარს ამბობთ?—ჩემი გული შუა გაიყო!  
სხვა რა ვიღონო, თუ კი ეს ცდა ამოი იყო?!

**ქეთევან დედოფალი**

მხოლოდ, როდესაც არ ვიქნები, თუ გამიხსენებთ,  
თუ მიპატრონებთ, სამშობლოში თუ წამასვენებთ  
სხვას არას ვითხოვ...



ნუ შეფიქრდები, მე მივდივარ, გზა დამითმია.  
 როგორც ფოთოლი ხეს მოსწყვიტონ,—  
 ბედს მომამორეს.

**იათამზე**

ვერ გამოვიბა...

**ჯავაირა**

აი, ასე... თმა გაისწორე!  
 მე კი დავჯდები, მოვიქნაცე, სული დამძიმდა.

**იათამზე**

საიდანა ხართ?

**ჯავაირა**

განძა იცი?—ლამაზ განძიდან!  
 ხანის ქალი ვარ. მამა ჩემი იქნა ძლეული.  
 მე გამიტაცეს. ბედმა დღემდე შემომინახა.  
 კარგია განძა. ყვავის ახლა იქ ბროწეული.  
 უკანასკნელათ მიმიყვანა, ნეტავ მანახა!

**იათამზე**

რატომ ვერ ნახავ?

**ჯავაირა**

სხვაგვარია ჩემი ფიქრები.  
 გაგანდო?—მალე მე ცოცხალი აღარ ვიქნები.  
 ყველაზე მეტათ ვუფროთხილდები ახლა ამ საგანს.  
 ეს მე ამ დილით შევიძინე დევრიშისაგან.

**იათამზე**

რა არის იგი?

**ჯავაირა**

მცირე, თითქოს ფშატია წვერილი.  
 მაგრამ, როდესაც გაჩაღდება თქვენი ქორწილი,  
 მე ეს მომალხენს; სული ამით დამიმშვიდდება.

**იათამზე**

რა არის?



**ჯავაირა**

გეტყვი. ვიცი, ჩემთვის არ შეგშურდება.  
საწამლაგია!

**იათამზე**

ბედმა, ასე რათ გაგიმეტა?  
ნუგეშს ველარ გცემ. მწუხარე ვარ მე შენზე იეტათ.

**ჯავაირა**

რატომ დამცინი. დამცირებას ხომ მრავალს ვითმენ.  
**იათამზე** (მოისაზრა. მტკიცე გადაწყვეტილებას  
დაადგა)

ვხედავ, შენი ხსნა ადვილია. ეს მე დამითმე!

**ჯავაირა**

დამცინი არა?  
რაკი გულს გიშლი, საიდუმლოს ჩემსას რა განდობ.

**იათამზე**

მე ბართალს ვამბობ!  
(ხელებში წვდება. ჯავაირა ყოყმანის შემდეგ  
დაუთმობს)

**ჯავაირა**

გონს ვერ მოვდივარ...

**იათამზე**

მხოლოთ ერთს გთხოვ, შენთვის მთლათ ადვილს:  
გთხოვ, შეუმჩნევლათ მიმიყვანო წამების ადვილს.

### მეცხრე სურათი

(მოედანი. შუადღე. შუაში ამართულია საწამებელი  
ადგილი. მახლობლათ სდვას ჯალათი. გარშემო მოწყობილ  
ჩარდახებში თანდათან სხდებიან ირანელი წარ-  
ჩინებულნი პირნი. ცალკე სხდებიან, გარდა ქართველი  
ტყვეებისა, რომლებიც ერთ კუთხეში შეგროვილან.  
მათი ქცევა, საუბარი უსაზღვრო მწუხარებას ამჟღავ-

ნებს. თადარიგს შეიარაღებული ირანელი ჯარისკაცნი  
იცავენ. ცალკე ღამდგარან დავითი და ღვთისხვარე)

**პირველი ტყვე**

რას მოვესწარი უბედური, ავადმყოფი და  
ღონემიხდილი...

**მეორე ტყვე**

საიდან ხარ?

**პირველი ტყვე**

მე?—მარტყოფიდან!

**მეორე ტყვე**

რამდენი ოქრო და ფარჩები! როგორ ლაღობენ!

**პირველი ტყვე**

რათ მინდა! ჰქონდეთ! ვენაცვალე ჩემს  
ძეძვის ღობეს!

**მეორე ტყვე**

რა ქვეყანაა! რა სიცხეა!—მიწა მთლათ გახმა.

ჩემი სოფლი...

**პირველი ტყვე**

საით არის?

**მეორე ტყვე**

ალაზან ვაღმა.

რატომ ვახსენებ? პირში ენა რატომ მოძრაობს?!

საბუე ქვია! (უბიდან ამოიღებს) იქაური მიწაა, ძმაო!

**პირველი ტყვე (ჩურჩულთ)**

ამბავი მითხრეს: შენ, სარწმუნოთ თუ მიგაჩნია?

აჯანყებულან, საქართველოს გაუმარჯვანია!

კაცნი მოსულან, ასე უთქვამთ: იყავით მხნეთო,

შახი შეშინდა, მალე ყველას დაგაბრუნებთო!

**მეორე ტყვე**

მალალ ღმერთს, ალბათ, ჩვენი თავი არ ავიწყდება.



**პირველი ტყვე**

მაშ, დედას შვილი სამუდამოთ ხომ არ მოწყდება?!

**მეორე ტყვე**

ღმერთმა გისმინოს! აგისრულდეს გულის ზრახვები!

**პირველი ტყვე**

სხვას არ ვთხოვ უფალს, მხოლოდ —  
აქ ნუ დავიმარხები.

რა ქვეყანაა, რა მტვრიანი მოვარდა ქარი!

**მეორე ტყვე**

იქროლოს ძმაო, იქნებ, ჩვენი ქვეყნიდან არის!

**ღვთისაგარ**

იგვიანებენ... იქნებ, რისხვა უფლისა, აგვცდეს.

**დავითი**

ახლოს იდექი... არ წავიქცე! ვგრძნობ რომ ვბარბაცებ.  
ცუდს მაგრძნობს გული... თავს მიხედ!

**ღვთისაგარ**

ვერ მიგატოვებ!

**დავითი**

ისიც მაფიქრებს, იათამაზეს მარტოთ რათ ვსტოვებ?  
(გაისმის ამბავის მაუწყებელი საყვირის ხმა)

**ღვთისაგარ**

ეტყობა ჩვენი წინათგრძნობა აღარა ცდება

**დავითი**

და სატანჯველი დედოფალსა აღარ აცდება.  
თუ არის ქვეყნათ უბედური სხვა ისე, ვით მე?  
ტანჯვას ამდენსა, დამცირობას როგორღა ვითმენ?!  
ღმერთო მაღალო!—ძე კაცისა საყვედურს ვამხელ:  
ასე ძლიერთ, ასე მწარეთ რატომ დამამხვე?  
რათა ვარ ჩემი მწარე ხვედრის თვალით მნახველი?  
რატომ არ ძალმიძს, ხმალზე ისე გავიკრა ხელი,

რომ უღირს საქმეს, სირცხვილს—

მოსვლა არ დავაცალო?

ვიბრძოლო, სანამ სისხლისგან მთლათ არ დავიცალო?!  
ასე ძლიერათ რისხვამ ღვთისა, რატომ დამქუხა?

ამაო იყო?—ეს ცხოვრება რას მოვანდომე?

მარტო ვარ, მარტო! ვდგევარ როგორც გამხმარი მუხა!

და ფულუროში ფიქრნი, როგორც ჭოტნი ბუდობენ!

**ღვთისავარ**

რა მოგლით?

**დავითი**

იქნებ, ცუდი რამ ჩავიღინო. აქ ყოფნა მიმძიმს.

**ღვთისავარ**

მაშ, მოვერიდოთ!

**დავითი**

დგომა არ ძალმძის!

(ღვთისავარი დავითს ხელს მოხვევს, გაყავს. გამოჩნ-

დება შალვა. ხალხში შეუმჩნეველად გაერევა. ძლიერი

ხმაური და ყრიაშული თანდათან ცხრება. შირაზის ბე-

გლარ-ბეგი და ისკანდერ-ბეგი ცალკე ჩარდახში სხდე-

ბიან. გამოჩნდება ქეთევან დედოფალი, რომელსაც

მოყვებიან მოლები. დედოფალი მშვიდათ შედგება ამ-

ბიონზე. ის ისე დგას, თითქოს გაქვავებულაო. სამა-

რისებური სიჩუმე დიხანს გრძელდება)

**პირველი ტყვე**

რა ემართება დედოფალსა! ეს რა მოსვლია!

**მეორე ტყვე**

დამუნჯდა, თუ ის.—ქვათქცეული ანგელოსია?!

**ქეთევან დედოფალი**

გზა დამისრულდა! უფსკრულისა წინაშე ვდგები!

ეს დღე კი მაინც ლამაზია, როგორ დამშვენდა!

უფსკრული მიხმობს. მაგრამ მე კი, ისე ვპაღვინებ,



ისე ახლოს ვარ, ღმერთო, თითქოს ვსაუბრობ შენთან.  
 უკანასკნელათ ვევედრები, მართალი მრევლის  
 უღონო წევრი, შენს განგებას, შენს ძლიერებას:  
 ქვეყანას ჩემსას შეუშმარალე თვალთაგან ცრემლი,  
 და დაუფუძნე, ვით ტაძარი,—ბედნიერება!  
 როგორც ღრუბლები გაიფანტნენ ჩემი ფიქრები  
 და ეს ცრემლები, ახლა მე რომ თვალეზს მისველებს,  
 თუკი ამაოთ არ ჩაიფლის,—ნეტარ ვიქნები.  
 აწ, განმისვენე!

(დედოფალს გადასცემენ ჯალათს,—ცალკე აღმართულ  
 ადგილას ავარდება ცეცხლი, რომლის ალში გაეხვევა  
 დედოფალი. ხალხში უსიტყვო ქვითინი ისმის)

**შალვა**

სიცოცხლე ჩემი, აწ უღირსი, როგორ ავლკვეთო?  
 უკვე აღარ ხარ, დედოფალო აწ რა ვაკეთო?

**ბეჟანი**

აქ რა მინდოდა? ღმერთო ჩემო, რა დროს მოველი?  
 ეს რა გრძნობა მჩხვლეტს, რა გრძნობა მკბენს,  
 ვით მორიელი?!

(წასვლას აპირებს)

**შალვა (შენიშნავს)**

შესდექ!

**ბეჟანი**

ეს შენ ხარ?

**შალვა**

მე ვარ უკვე რისხვით მოცული.

**ბეჟანი**

შესდექი თვით შენ. მოისაზრე: ნუ მიორგულებ!  
 ყველაფერს გამცნობ, მოგიგზავნი მოციქულსა და...



შალვა

ჩვენ შორის ახლა, მხოლოდ ხმალი იმოციქულებს!

ბეჟანი

მიშველეთ! (ბეჟანს გარშემო მოეხვევებიან შეიარაღებული ირანელი ჯარისკაცნი. შალვა მათ წრეს გაარღვევს. ბეჟანს განგმირავს. ჯარისკაცი მასაც დასჭრიან სასიკვდილოდ. დაეცემა. ჩადრიანი ქალებს წრიდან პირბადეს აიხდის ერთი ქალი. ის იათამზეა)

იათამზე

შალვა, ძვირფასო! მართალია, ის არის ისა!  
(თითქოს გადმოფრინდაო, მასთან გაჩნდება. მოეხვევა)

შალვა (თავს წამოიწევს)

ვისი ცრემლია რომ მეფრქვევა?

იათამზე

იათამზისა!

შალვა

სიკვდილი მებრძვის, აღარა ვარ.

ვგრძნობ, რომ მერევა...

იათამზე

შენთან ვარ, შენთან... განუყრელათ...

(საწამლავს მიიღებს)

შალვა

ბედნიერი ვარ!

შენმა ცრემლებმა დამიგლოვეს? აქ რათ ვაგდივარ?!  
გკვდები! აღარ ვარ!

იათამზე

ბეჯ, ძვირფასო, შენთან მოვდივარ!



მხოლოთ, პირველათ, ვეკონები შენს ქვირფას მკერდსა!  
 შენს სულსა,—ჩემი, მისდევს ცისკენ,  
 ვით მტრედი—მტრედსა!

(მოულოდნელი ამბავით გაოცებულებს ღუმილი შეი-  
 პურობს. ისკანდერ-ბეგი სვეტს მიეყრდნობა.  
 გონს ვერ მოსულა)

**ისკანდერ-ბეგი**

დიდო ალახო! შენი ქვეყნის მთებმა, ველებმა  
 იხილეს დიდი სასწაული, საკვირველება!

დასასრული





რედაქტორი ა. კ. კელენჯერიძე

ყდა—ლ. ავალიანიძე

---

ზელმოწერილთა დასაბეჭდად 1946 წ. 13 სექტემბერს.  
სასტ. ფ. 3,75. საავტ. ფ. 3. შეკვეთის № 2041.  
ემ 10006. ტირაჟი—3000.

აჭარის ადგილობრივი მრეწველობის სამინისტროს  
სტამბა-ლითოგრაფია. ბათუმი, ლუქსემბურგის ქ. № 22.

8260 10 826

=509.



ВИКТОР ГАБЕСКИРИЯ  
МУЧЕНИЦА КЭТЕВАН

драматическая поэма  
(на грузинском языке)

Госиздат Аджарии  
Батуми, 1946 г.